



Inatsisartunut ilaasortaq Naaja H. Nathanielsen, Inuit Ataqatigiit

/MAANI

Takornariaqartitsisarneq pillugu § 37 naapertorlugu apeqqummut nr. 176-imut akissuteqaat

27-07-2015
Sags nr. 2015 - 5417

Inatsisartut suleriaasianni §37 imm. 1 naapertorlugu, takornariatitsisarnermut tunngasunik Naalakkersuisunut apeqquteqarputit. Apeqquteqaat suliaasaqarfinni akissuteqarfigineqartussanngorlugu innersuunneqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

- 1. Takornariaqarnermi piukkunnartut ilarpassui illoqarfiit annerit avataaniipput. Illoqarfiit annerit avataanni inuussutissarsiornikkut aningaasaliinernut annikinnerugaluanulluunniit aningaasaliisussat amigaataasarnerat naluneqanngilaq. Annikinnerusunik inuussutissarsiutinik ingerlataqartunut aningaasaliisussanik pissarsiniarnerit ajornanginnerulernissaannut Naalakkersuisut qanoq tigussaasunik iliuseqarniarpat. Tassani takornarissanik sullissisut misigisassanik neqerooruteqartartut kisiisa eqqarsaatiginngilakka, aammali unnuisarfitsigut periarfissat, cafe-t, sanaluttartut assigisaallu takornariaqarnerup iluani pitsaasumik tapertaasut eqqarsaatigaakka.**

Akissut:

UPA2015-imi eqalunniartarnermut aamma nunami sumiiffinni aalajangersimasuni takornariatitsinermik suliaqarluni ingerlatsinissamut akuersissuteqartarnermut inatsisit marluk ataatsimoortillugit allanneqarnerat Inatsisartunit isumaqatigiittunit akuersissutigineqarput, sumiiffinni nunami aalajangersimasuni takornariatitsinermut akuersissuteqartarnissaq pillugu Inatsisartut inatsisaat nr. 19, 3. december 2012-imeersup allangortinnissaa pillugu Inatsisartut inatsisaanni nr. 15, 3. juni 2015-imeersukkut.

Taamaalilluni maannakkut takornariatitsinermik suliaqarluni ingerlatsinissamut akuersissutit pineqartillugit, inatsit taamaallaat ataasiinnangorpoq. Tamanna suliffeqarfinnut paasinarnersitseqataavoq, taamaalillunilu aamma oqartussaasoq, ingerlatsinissamut akuersissummik qinnuteqaateqarnermut atatillugu suliffeqarfiit attaveqarfigisassa, ataasiinnangorluni.

Naalakkersuisut isumaqarput takornarianut tunngatillugu ingerlatassanut aalajangersimasunut akuersissummik tunniussinissamut periarfissaqarneq, suliaasanut aningaasaliiumalersitsinissamut periarfissanut aalajangiisuulluinnartumik pingaaruteqartoq. Inatsisit ataatsimut allanneqarnerat kingulleq tunngavigalugu killiliussassat inissineqarput. Taamaattumik takornariatitsisarnermut periusissiasami sumiiffiit ilai ingerlatsiviusussatut immikkoortinneqarnissaat sammineqassaaq, taamaalu sinaakutissat inissineqassallutik aningaasaliisussarsionnissamullu periarfissaqartitsisoqalissalluni.

Tamatuma saniatigut inuussutissarsiornermi tapiissuteqartarnermut aaqqissuussinerit Greenland Business-imit aqunneqartut aqunneqarput. Tassani nioqutissianik ineriartortitsinissamut tapiissutinik qinnuteqartoqarsinnaavoq, ingerlatassanik pilersitsinernut ingerlataareersunillu annertusaanernullu atatillugu.

2. Tasiilami takornariaqarnermi ilinniagaqartitsinissap iluaqutissartaanik Naalakkersuisut takusaqarsinnaappat, tassanimi inissisimaneq Islandikkoorlutik takornariarusuttunut piukkunnarluinnartuummat? Aappiuppat, taava Tasiilami ilinniakkat qanoq ittut qaqugulu pilersinniarnepat? Naamiuppat, taava taamatut iliuseqannginniarnermut suna tunngavilersuutaava?

Akissut:

Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoqarfiup ilisimatitsissutigaa Campus Kujallermi takornariartitsisarnermut suliaasaqarfimmut siunnerfeqartinneqartunik ilinniartitaanernik nunatsinni takornariartitsisarnermut sammiveqartumik peqareersoq. Pineqarput issittumi takornariartitsisartut ilinniartitaaneq aamma serviceøkonom-itut ilinniartitaaneq.

Ilinniartitaanerit nuna tamakkerlugu atorneqarsinnaanissaat qulakkeerniarlugu Campus Kujallermi inuussutissarsiortut kiisalu kommunit ingerlaavartumik oqaloqatigineqartarput. Tamatumunnga ilaatillugu Campus Kujalleq suleriaatsimik aallartitsissamaarpoq, tassani ilinniartitaanerup ingerlanerata ilaa sinerissami inissinneqassalluni. Tamatuma saniatigut Adventure Guide-tut ilinnirtitaanerup neqeroortigineqarsinnaanissaa Campus Kujalleq-mit sulissutigineqarpoq.

Naalakkersuisut maanna pilersaaruteqanngillat Campus Kujallermi takornariartitsisarnermut tunngasumik ilinniartitaanerit ingerlanneqartut saniatigut ilinniartitaanernik pineqartunik allami ingerlatsilernissamut. Tamanna ilinniagaqarnerit aningaasaqarnerlu aallaavigalugit isummiunneqarpoq, tassami ilinniartinnut ataatsimit amerlanerusunut atasussanik takornariartitsisarnerup iluani ilinniartitaanermik pilersitsisoqassagaluarpat, ilinniarnissamut qinnuteqartartut amerlassusaat eqqarsaatigalugu, ingerlatsinermut aningaasaqarneq aammalu ilinniagaqarsimasunik nukittuunik pissaqarnissaq qulakkeerneqarsinnaanngimmat. Tamatumunngalu ilanngullugu oqaatigineqassaaq Campus Kujallermi takornariartitsisarnermut ilinniartitaanerup atuutereersup ingiaqatigisaanik ingerlanneqartussamik Naalakkersuisut Tasiilami takornariartitsisarnermi ilinniartitaanermik pilersitsinissamik pilersaaruteqanngimmata.

3. Takornariaqarnermik ingerlatsisut praktikkertussanik tiguisinnaanerannut tapiissuteqarnissamut siunnersuummut Naalakkersuisut qanoq isumaqarpat? Takornariaqarnerup inuussutissarsiutitut periarfissatut pilerinartutullu inuusuttunut misilittagaqarfigitilernissaanut Naalakkersuisut qanoq qulakkeerinninniarpat?

Akissut:

Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisoqarfiup ilisimatitsissutigaa, ilinniagaqarnerisutit pillugit Inatsisartut inatsisaanni nr. 12, 22. november 2011-imeersumi §15, imm. 1 naapertorlugu ilinniartunik atorfinitsitsinermut atatillugu sulisitsisut tapersiivigineqartartut. Tapiissutit taakkua kontomit pingaarnermi 40.02.06-imit, Ilinniarnermi tapiissutit meeqqanullu tapit, akilerneqartarput. Tassani aamma takornariartitsisarnermik suliaqartut, inuussutissarsiutinut ilinniartinnit akuerisaasunit ilinniartunik atorfinitsitsisartut,

pineqartunut ilaapput. Naalakkersuisut pilersaaruteqanngillat takornariartitsinermik ingerlatsisunut immikkut llinniartunik atorfinitsitsinermut atatillugu takornariartitsisarnermut inuussutissarsionermut tapiissuteqartarnermik aaqqissuussinikkut immikkut iluaqusiusussanik takornariartitsinermik ingerlatsisunut aaqqissuussinissamik.

Tamatuma saniatigut Naalakkersuisut isumaqarput, takornariartitsisarnernup iluani inuusuttut periarfissaasa siuarsarneqarnissaat pillugu anguniaqarneq, takornariartitsisarnermut inuussutissarsionernup ataatsimoortumik ineriartortinneqarneratigut, pitsaanagerusumik qulakkeerneqarsinnaasoq. Takornariartitsisarnermut inuussutissarsionernup ataatsimoortumik ineriartortinneqarneratigut inuussutissarsiutip iluani suliffissaqartitsinerulernissaq naatsorsuutigineqartariaqarpoq.

Tassani takornariartitsisarnernup ineriartortinneqarnissaanut sapinngisamik pitsaanagerpaanik killiliussanik suliaqarneq Naalakkersuisut pingaarnertut suliassaraat. Tassani aamma sumiiffinni nunami aalajangersimasuni takornariartitsinermut akuersissuteqartarnissaq pillugu inatsit, aningaasaliiumasussarsinissamut pitsaanagerusunik periarfisiinissamik, taannalu aqutigalugu suliffissaqartitsinissamut periarfisiinissamik, siunertaqartoq, innersuussutigeqqinneqarsinnaavoq.

Tamatuma saniatigut umiarsuarnut takornariartitsisartunut akitsuutip malunnaatilimmik annikillisinneqarnissaa UPA15-imi akuersissutigineqarpoq. Tamatuma saniatigut Kalaallit Nunaanni mittarfiit, ilaatigut tikikkuminarnerulersitsinissamut peqataasussat, ineriartortinneqarnissaannut ungasissumut pilersaarut Naalakkersuisut aalluppaat.

Suliniutit tamakkua taamaalillutik takornariartitsisarnermut inuussutissarsionernup ineriartortinneqarnerani sapinngisamik pitsaanagerpaanik atugassaqartitsinissami killiliussanik pilersitsiniarnerupput.

4. Paasivara ltoqqortoormiuni umiatsiat kangerluup ilaata VHF-ikkut anguneqarsinnaannginnera, satellit-ikkulli oqarasuaatikkut attaveqarnera pissutigalugu akuersissummik p-mik pissarsiuminaatsitsisartut. Ajornartorsiutip tamatuma aaqinneqarsinnaaneranut Søfartsstyrelsemut attaveqarnissamut Naalakkersuisut pilersaaruteqarpat? Aappiuppat, qaqugu qanorlu?

Akissut:

Tamatumunnga atatillugu suliassaqaarfimmi akisussaasumut, Ineqarnermut, Sanaartornermut Attaveqarnermullu Naalakkersuisumut Knud Kristiansen-imut saaffiginnippunga, taassumalu paasissutissiissutigaa:

Imarsionermut suliassaqaarfimmi imarsionernup isumannaatsuunissaata siuarsarneqarnissaa pillugu Søfartsstyrelsi allallu oqartussaasut ingerlaavartumik oqaloqatigineqartarput. Tassunga atatillugu isumannaallisaaneq annikillisinngu, akuersissummik p-mik akuersissuteqarnikkut satellittikkut oqarasuaat VHF-itut atornerqarsinnaanersoq misissortissinnaavara. Aammattaaq nalunaarasuartaateqarnermut suliassaqaarfimmi VHF-ikkut attaveqarnerup pitsaanagerulernissaa pillugu Kalaallit Nunaata aamma Danmarkip akornanni ingerlaavartumik oqaloqatigiittoqartarpoq.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq